

გორის მუნიციპალიტეტში სამი ახალი სკოლა გაიხსნა

03 ოქტომბერი 2016

ათასწლეულის გამოწვევის კომპაქტის ფარგლებში რეაბილიტირებულ სკოლებს დღეს გორის მუნიციპალიტეტის სოფლების – სკრის, ფხვენისისა და ტყვიავის სკოლების შეემატა. გახსნის ღონისძიებას მხარის გუბერნატორის მოადგილე ამირან შავშიშვილი და ადგილობრივი ხელისუფლების წარმომადგენლები ესწრებოდნენ. სტუმრებმა მასწავლებლებსა და მოსწავლეებს სასწავლო წლის დაწყება მიულოცეს. „მოხარული ვარ, რომ დღეიდან ჯანსაღ და სრულფასოვან გარემოში განაგრძობთ განათლების მიღებას, განათლება უმთავრესია თქვენი მომავალი ცხოვრებისთვის. გეტყვით, რომ აღნიშნული პროექტი წარმოადგენს ამერიკელი ხალხის საჩუქარს, რომელიც ათასწლეულის გამოწვევის ფონდის სახელითაა ცნობილი. პროექტის ფარგლებში საქართველოს მასშტაბით ათობით სკოლა რეაბილიტირდა და კიდევ არაერთი ზოგადსაგანმანათლებლო დაწესებულების კეთილმოწყობაა დაგეგმილი.“ აღნიშნა ამირან შავშიშვილმა.